



Broj: 13-11-4-2919/25
Sarajevo, 30.04.2025. godine

Na osnovu člana 70. stav (3) Zakona o javnim nabavkama ("Službeni glasnik BiH", br. 39/14, 59/22, 50/24), člana 146. Statuta Općine Novo Sarajevo ("Službene novine Kantona Sarajevo", br. 5/20 - prečišćeni tekst i 20/20 - ispravka), a na prijedlog Komisije za javne nabavke roba, radova i usluga, Općinska načelnica donosi

ODLUKU o izboru najpovoljnijeg ponuđača

I

Za najpovoljnijeg ponuđača za javnu nabavku roba „Nabavka novogodišnjih paketića za djecu predškolskih ustanova na području Općine Novo Sarajevo“, po provedenom postupku javne nabavke putem konkurentskog zahtjeva za dostavu ponuda izabran je sljedeći ponuđač:

DEFTER d.o.o. Sarajevo
sa ukupnom cijenom od 44.774,73 KM
(četrdesetčetirihiljadeseдамstotinasedamdesetčetiri i 73/100 konvertibilnih maraka) sa PDV-om

II

Za izvršenje ove Odluke zadužuje se Služba za obrazovanje, kulturu i sport.

III

Izabrani ponuđač je dužan u roku od 5 (pet) dana od dana zaprimanja ove Odluke, na adresu Općine Novo Sarajevo, Zmaja od Bosne 55, 71000 Sarajevo ili lično na Protokol Općine, dostaviti originale ili ovjerene kopije dokaza traženih tačkom 7.1.3. stav (a) do (e) i tačkom 7.3.2. stav (a) tenderske dokumentacije, ne starije od 3 (tri) mjeseca od dana predaje ponude, u skladu sa dostavljenim izjavama ponuđača.

Ukoliko je ponuđač u sklopu svoje ponude dostavio originale ili ovjerene kopije dokaza traženih tačkom 7.1.3. stav (a) do (e) i tačkom 7.3.2. stav (a) tenderske dokumentacije, iste nije dužan ponovno dostavljati.

IV

Odluka o izboru najpovoljnijeg ponuđača objavit će se na web stranici www.novosarajevo.ba, istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) i članom 71. Zakona o javnim nabavkama BiH.

Obrazloženje

Postupak javne nabavke proveden je putem konkurentskog zahtjeva za dostavu ponuda, a pokrenut je na osnovu Odluke Općinske načelnice broj: 13-11-4-2919/25 od 24.03.2025. godine.

Procijenjena vrijednost javne nabavke sa PDV-om je: 45.000,00 KM (slovima: četrdesetpethiljada 00/100 konvertibilnih maraka).

Obavještenje o javnoj nabavci broj: 935-7-1-51-3-129/25 objavljeno je na Portalu javnih nabavki dana 10.04.2025. godine

Komisija za javnu nabavku roba, radova i usluga imenovana je Rješenjem Općinske načelnice broj: 01-11-4-1272/25 od 06.02.2025. godine.

U predmetnom postupku utvrđeno je da je Komisija za javne nabavke roba, radova i usluga blagovremeno i pravilno izvršila otvaranje ponuda i ocjenu prispjelih ponuda, o čemu je sačinila Zapisnike, u kojima je utvrđeno sljedeće:

Iz Zapisnika sa otvaranja ponuda vidljivo je da je do dana 22.04.2025. godine, pristigla ponuda slijedećih ponuđača:

Red. Br.	Naziv i sjedište ponuđača	Ukupna ponuđena cijena sa PDV-om
1.	INTER-COM d.o.o. Zenica	44.860,73 KM
2.	DEFTER d.o.o. Sarajevo	44.774,73 KM

Nakon izvršenog otvaranja ponuda, Komisija za javne nabavke roba, radova i usluga je pristupila analizi dokumentacije pristiglih ponuda u smislu provjere njene validnosti, obzirom na iskazane zahtjeve ugovornog organa u tenderskoj dokumentaciji, odnosno vrednovanju ponude u skladu sa pravilima i procedurama utvrđenim tenderskom dokumentacijom, Zakonom i podzakonskim aktima, te je konstatovala slijedeće:

Ponuda ponuđača DEFTER d.o.o. Sarajevo je **prihvatljiva** jer ispunjava kvalifikacione uslove (lična sposobnost, sposobnost za obavljanje profesionalne djelatnosti, ekonomske i finansijske sposobnosti, tehničke i profesionalne sposobnosti) zahtijevane u tenderskoj dokumentaciji.

Ponudu ponuđača INTER-COM d.o.o. Zenica, Komisija je ocijenila kao **neprihvatljivu** iz sljedećeg razloga:

Tenderskom dokumentacijom u tački 7.4.1. u svrhu ispunjavanja tehničke i profesionalne sposobnosti navodi se da ponuđači trebaju ispuniti sljedeći uslov: „*a) uspješno iskustvo u realizaciji najmanje 1 (jednog) ugovora koji je vezan za nabavku paketića za djecu, u posljednje 3 (tri) godine, računajući od dana objave Obavještenja o predmetnoj javnoj nabavci ili od datuma registracije odnosno početka poslovanja, ako je ponuđač registrovan, odnosno počeo sa radom prije manje od 3 (tri) godine;*“.

„U svrhu dokazivanja ispunjenosti uslova iz tačke a) ponuđači su dužni dostaviti sljedeće:

DOKAZ ZA a1): Spisak uspješno realizovanih ugovora koji se odnosio na nabavku paketića za djecu (Dokument 3).

DOKAZ ZA a2): 1 (jedna) potvrda o uspješnoj realizaciji ugovora koji se odnosio na nabavku paketića za djecu (Dokument 4).“

Također u tački 8.2.1. tenderske dokumentacije navodi se da ponuda mora sadržavati Dokument 4 - 1 (jedna) potvrda o uspješnoj realizaciji ugovora (*Dokaz može biti dostavljen u originalu ili ovjerenoj kopiji. Napomena: U potvrdama mora biti jasno iskazano da su se uspješno realizovani ugovori odnosili na nabavku paketića za djecu, u posljednje 3 (tri) godine, računajući od dana objave Obavještenja o predmetnoj javnoj nabavci ili od datuma registracije odnosno početka poslovanja, ako je ponuđač registrovan, odnosno počeo sa radom prije manje od 3 (tri) godine, u protivnom ugovorni organ potvrde neće prihvatiti i ponuda će se odbaciti kao nepotpuna. Potvrda o izvršenom ugovoru obavezno treba da sadrži: naziv i sjedište ugovornih strana, predmet ugovora, vrijednost ugovora, vrijeme i mjesto izvršenja ugovora, te navode o uredno izvršenim ugovorima*).

Ponuđač INTER-COM d.o.o. Zenica je uz ponudu dostavio ovjerenu kopiju Potvrde o uredno izvršenom okvirnom sporazumu izdatu od strane JU Kantonalna bolnica Zenica broj: 22-04-3320-1/24 od 03.06.2024. godine u kojoj se navodi: „*da firma INTER-COM d.o.o. Zenica, kao ponuđač je u 2022., 2023., i 2024. godini uredno i bez primjedbi izvršila ugovorne obaveze po zaključenom okvirnom sporazumu o nabavci robe – zahvalni paketići za dobrovoljne davaoce krvi za potrebe Transfuzijskog centra JU Kantonalna bolnica Zenica...*“.

Na osnovu navedenog Komisija smatra da ponuđač nije dostavio dokaz koji se tražio u sklopu tenderske dokumentacije iz razloga jer navedena potvrda o uspješnoj realizaciji ugovora se ne odnosi na nabavku paketića **za djecu**, već je jasno iskazano da se potvrda odnosi na zahvalne paketiće za dobrovoljne davaoce krvi.

Općina Novo Sarajevo, ulica Zmaja od Bosne br. 55, centrala telefon (387 33) 492 100

Služba za zajedničke poslove

tel: (387 33) 492 112, fax: (387 33) 492 145, email: zajednickiposlovi@novosarajevo.ba

Identifikacioni broj: 4200558710008 PDV broj: 200558710008 Porezni broj: 0170333000

Depozitni račun 1411965320011288 Bosna Bank International d.d.

Iz naprijed navedenih razloga, ponuda ponuđača INTER-COM d.o.o. Zenica se nije mogla uzeti u dalje razmatranje.

Komisija je nakon pregleda dokumentacije priložene uz dostavljene ponude u smislu člana 65. stav (1) i (2) Zakona ocijenila ponude kvalifikovanih ponuđača, primjenjujući kriterij najniže cijene, te sačinila rang listu kako slijedi:

Red. Br.	Naziv i sjedište ponuđača	Ukupna ponuđena cijena sa PDV-om
1.	DEFTER d.o.o. Sarajevo	44.774,73 KM

Komisija za javne nabavke roba, radova i usluga je jednoglasno predložila Općinskoj načelnici da u skladu sa odredbama člana 64. stav (1) tačka b) Zakona o javnim nabavkama donese Odluku o izboru najpovoljnijeg ponuđača, te da se ponuđaču DEFTER d.o.o. Sarajevo dodijeli Ugovor, čija ponuda je ocijenjena kao najpovoljnija, na osnovu kriterija najniže cijena, u ukupnom iznosu ponude od 44.774,73 KM (četrdesetčetirihiljadestotinasedamdesetčetiri i 73/100 konvertibilnih maraka) sa PDV-om.

Općinska načelnica je saglasna sa prijedlogom Komisije za javne nabavke roba, radova i usluga koja je u postupku ocjene provedenog postupka postupila u skladu sa Zakonom o javnim nabavkama, podzakonskim aktima i tenderskom dokumentacijom.

Iz navedenih razloga, primjenom člana 64. stav (1) tačka b) Zakona o javnim nabavkama, odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od **5 (pet) dana** od dana prijema.

Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje 3 (tri) primjerka. Naknada za pokretanje žalbenog postupka plaća se u korist budžeta institucija Bosne i Hercegovine i međunarodnih obaveza Bosne i Hercegovine, u skladu sa članom 108. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH („Službeni glasnik BiH“ broj: 61/24).

DOSTAVLJENO:

- INTER-COM d.o.o. Zenica
- DEFTER d.o.o. Sarajevo



OPĆINSKA NAČELNICA

Prof. dr. Benjamina Karić

